

辯偽錄卷第三

於七

元道者上雲蒙禪寺沙門祥邁奉勅實錄撰

偷佛神化僞第十四

第四十二化云老子入摩竭國現希有相以
化其王立浮圖教名清淨佛號末摩尼至舍

禁

衛國自化作神從天而降天人侍衛現身長
百千萬丈又至罽賓降胡王及王子火不能
燒籠不能煮水不能溺胡兵百萬弓矢劒戟
一時摧落飛電八衝聲如霹靂人馬驚仆北
郭先生空中頌讚又至條支國手撥大山至

拘薩羅降伏九十六種外道至迦夷羅國左
手把日右手把月藏於頭中天地冥暗山飛
石裂海水逆流山川空行又至于闐於南渠
山示教胡王令尹喜化作金人身長丈六項
佩圓光足踏蓮華從空而下拜禮老君謂胡

王曰此吾弟子與汝爲師又留神鉢令得法
味又於毘摩城地變金色放九色神光徧照
塵沙國土即有赤靈真人中黃丈人太一真
君九宮六丁八卦神君青龍白虎散華玉女
浮雲而至老君坐七寶座燒百和香奏鈞天
樂又有八十餘國諸王妃后皆來聽法留尹
喜作佛及鉢於毘摩城却昇天去老君又於
葱嶺降大毒龍徧歷五天於耆闍山獨木樹
下化玉座與王說浮圖度桑門二千五百人
受以戒律又六十六化云于闐國毘摩城伽
藍是老君化胡成佛之處中有石幢刻記其
事云東方聖人號老君來化我國下引八學
士議證其事跡

辯曰案後漢西域傳三國志魏隋書西域志
圖六十卷志四十卷
合一百卷成西域志並紀西天五印有佛聖

跡或幢或柱咸勒其事不說老君曾留名字初張騫西來始傳浮圖之號至於今代國使往還無慮百人並不見老君西化之說古谷皇帝西征盡海所到之地唯有佛僧行近西北海有一國土城中佛塔森然若林彼國君

王唯是和尚又唐王玄策奉使西行至摩竭陀國於耆闍崛山及佛成道處咸述碑銘讚佛聖化未聞說有老君之事上之銘讀在王玄策傳中又湛然居士扈從太祖西征于闐及可弗又國越天山過雪嶺風化具詳亦未知有老子之事即今煦烈大王皇帝親弟鎮守西域在尋思干西南雪山之西使命往還來往不絕除親諮詢老化云並云無聞則老子神異道書偽出既非通論何足信哉

夫顯明神聖至人之能鼠竊狗偷狡兒巧倅

且聖王之立教也自近化之然後及遠故書叙堯之盛德先親九族然後平章百姓百姓昭明然後協和萬邦故能光被四表格於上下文王之德先刑寡妻後清四海故遠方慕義九譯而來老君爲柱史之時周道不興諸侯擅權大夫執政上陵下僭州土日促李耳既有神聖即合拯頽扶弱富國安民使君臣各位不相逾僭何乃九州遠棄一身西遁若能自己家鄉顯大靈異九族光榮一門謹慶不亦妙乎而八十四年蔑無奇異雇人駕車

卷三西過函谷身死扶風今有扶風槐里偽云西去纔踐羌胡即有神通神州中原全無一驗無人見處便唱萬端偷佛勝能巧說附會佛之神異西經具載本有聖跡老君靈變東史不書以此驗之虛實見矣明眼君子試聽根

由世尊上忉利天爲報母恩三月說法李耳
效之亦昇太微世尊成佛不起道樹而昇六
天老子倣之亦遊九天世尊菩提樹下示現
降魔弓矢盡變老君亦摧劖戟世尊向拘尸
那國路擲大石老君亦撥大山世尊說大集

經並集諸王老君亦會八千餘國世尊北游
降阿波羅龍王兼留其影老君雪山亦降毒
龍世尊於本行經說九十六種外道老君亦
降九十六種外道世尊現大神力須彌山王
涌沒低昂老君亦山飛石裂海水逆流世尊
留下神鉢以福群生老君亦留神鉢世尊右
脇而生老君剖左腋而出世尊周行七步表
圓滿七聖財故老子乃行九步妄合陽極之
數世尊三十二相八十種好老君七十二相
八十一好佛說真應二身顯其權實老君亦

說真身法身佛說身有四種謂法身報身_{自分}
_他報化身老君亦說虛皇元始道君老君佛說

三界彼說三清佛說三輪持世彼說三氣下
運青龍白虎像彼金剛玄中法師倚於聖者
學禪庭而建方丈依佛宇而樹法堂以至歌

讚偈唱之文鐘鼓雲板之飾祭靈送死懺悔

消災九幽懺文二十四願戒

全依華嚴十地品十不善法集

據釋有者彼便立之此處若無彼不能制
則知凡百立事全取佛門代代穿鑿人人妄
起金鎰相混智者難分本欲粧點自家翻成

混沌鑿竅耳目具矣真神喪焉棄道德之真
文收僞說之澆薄教門中折誰之罪歟且北
郭先生本侍漢武今隨李老愈見後增又南
渠山及毘摩城本佛聖跡望合其事屈相附
會恐人不知今具出之案西域記云于闐國

王城西南二十餘里有瞿_{今改南渠}室移伽山中
有伽藍其中佛像時燭光明昔佛至此爲諸
人天略說法要嚴有石室現有羅漢入滅盡
定以待慈氏此則非老君明矣又曰王城東
三百餘里有媿摩城中有彌檀立佛之像高

於七

二丈餘甚多靈異時放光明隨有疾病禱之
即愈此像本是優填王造佛滅之後凌虛而
來以福此土釋迦法盡像入龍宮評曰據此
記說文甚昭然佛之聖蹤欲爲老跡汝雖巧
會且宜三思駟不及舌請君隱臆八學士議

雖號唐人唐書列傳一無名姓況復所議不
入要策進退兩求並無可據設欲廣辯枉廢
詞章道士虛陳不勞煩叙雖有員半千名傳
無化胡經議詳此謬經古今排擯唐中宗禁
之於前代見劉煦舊唐書今世宗斷之於後朝見悟了然

卷

五

胡狀破化若實真文孰敢除滅而無識道士恒踵
斯跡使老子獲僭聖之罪俾道人招謗佛之
愆王浮已在地獄史志經又投圜戶老子本
欲隱遁志經推出戶庭垂歸根之本心轉流
浪於他土執迷不返固妄難除同木石之頑
囂似藥酒之瞑眩今之辯析要破狂心返正
道於醇源引邪徒於坦路知道德是賢者之
語識化胡是妖怪之談弘老子謙靜之風抑
道士誇銜之弊皆遵斯訓雅道長興如曰不
然覆車及之爾

論曰大法東流千有餘載時君信毀代涉滄
隆邪正爭衡未曾勝釋而道士爲僧前後三
代初漢明帝夜夢金人飛來殿庭項有日光
遂遣使西求佛法從此入洛旣圖於顯節陵
上又經譯在蘭臺室中而道士矜能欲騁薄

伎摩騰暫現神異無不歸心佛教鍊而愈精
道書焚而火化由是改邪入正落髮爲僧北
齊高祖文宣皇帝投誠佛理銳意法門而道
士無知縱其私憤駢螢光之耀掩龍燭之輝
文宣試之一無可駁聖上匪施於寸刃脩靜

納款於轅門剃髮去冠一皆爲釋我聖朝蒙
古皇帝深仁睿聖體道多能英謀扇於八絃
威稜擅於萬國留心佛理備曉正邪究道教
之麤浮達釋宗之要妙首行明詔特與掃除
欽惟今上皇帝稟太易太初之質資天皇天
帝之靈道契百王播淳風而育德智周萬物
弘至治以濟時若末尼珠豈受纖塵之汙如
軒轅鏡寧容片垢之惑故能英明獨斷亮察
是非息道士之虛聲識僧徒之實理敬承先
制重與辯明具召兩宗詳其優劣陣旗未展

街壁倒戈空談六韜之謀不補三代之失脫
袍剃髮盡付釋門蓋以邪法易摧是真難滅
匪經鑪鞴何顯真金妖氣於是屏消佛日於是
是高朗使迷途者從茲返路溺喪者於是知
歸爲今代之銓衡作後來之藻鑑但佛教慈
仁本無爭競邪徒狂狷妄說多端以汝不平
起我分別故孔子曰必也正名乎良在斯矣
夫儒道釋三世稱三教約其懲惡勸善則三
教皆可遵行較其宗趣淺深則不能無其優
劣漢唐已來固有定論不待餘人妄生高下

於七

六

佛教慈悲利生爲本老君謙退遠害爲功儒
法濟民忠孝爲首忠孝行則可以全家國播
身命謙退行則可以解紛爭除後患慈悲行
則可以濟群靈窮性命沿淺至深表裏相救
亦由天有三光互相顯照鼎有三足共力扶

持然道宗多僞別唱規模欲罩古今獨超儒釋然前賢後哲各著典謨咸遵於佛不言老聖案文自驗何必強爭孔子對太宰曰丘聞西方有聖者焉不治而不亂不言而自信不化而自行蕩蕩乎民無能名焉此出列子仲尼篇

老子

子云吾師化游天竺善入泥洹

此出老子經

此孔

老推佛爲聖人也符子云爲答也符朗老氏之師名釋迦文後漢牟子云太守堯舜周孔老莊之化比之於佛猶白鹿之麒麟尚書令闕澤對吳主云若將孔老二教比方佛法遠之遠矣何以明之孔老設教法天制用不敢違天諸佛設教天法奉行不敢違佛以此言之實非比對吳主善之加太子太傅此出舊吳書北齊光祿大夫顏之推出云有家則篇佛家三世之事

信而可徵萬行歸空千門入善豈徒六經百

氏之博哉非堯舜周孔老莊所能及也唐祕書監虞世南帝紀史論云老子之義谷神不死玄牝長存久視長生乘雲駕鶴此域中之教也釋氏之誥空有不滯人我兼忘超出生死歸於寂滅此象外之談者也後周王褒庭詰唐李思慎釋道十異深有旨趣不勞繁出智者知之後周王褒庭詰章在梁弘明十異又在清涼華嚴大教中今上皇帝嘗有言曰世人將孔老與佛稱爲三聖斯言妄矣孔老之教治世少用不達性命唯說現世止可稱爲賢人暗符班固九等人表老子列在賢人之階

及二孫盛有老子非大賢論文在廣弘明集也佛之垂範窮盡死生善惡之本深達幽明性命之道千變萬化神聖無方此真大聖人也自今已後三教圖像不得與佛齊列唐李商隱字義三教贊曰吾之師曰魯仲尼仲尼師聃龍吾不知聃師

竺乾善人無爲稽首正覺吾師仲尼師老子師佛
也以此酬校穹壤懸殊以此求宗蘭蒿自辯
且夫其流易曉闕澤之對天分對吳主事其理難
感恩慎之文海藏李思慎釋道十異文通紀

虞世南之著論

嶽峙淵渟

帝王

顏之推之述篇雲開日朗但

通紀

以去聖時遠魔僞亂真苟非其人道不虛設

仰惟今上皇帝受佛付囑不忘護持萬機之

餘留神釋典

西天

德士東土明師屢詢三藏

之言妙達一乘之旨偏欣論議頗尚毘尼窮

性相之淵源達釋道之優劣龍蛇易辨天眼

難瞞

卷氣浸於九霄布慈雲於四海再然慧

炬荐燭智燈爲法宇之棟梁作釋天之日月

祥邁叨生像季慶遇昌時每有雅談預聞座

未載欣載抃述頌曰

二儀始判三才肇分樹君建國爰濟斯民

卷七

羲軒以來五運相襲金朝政衰玄天繼迹
太祖撥亂世宗建隆篤生我后紹美前蹤
納欵南宋聽獻西荒梯山航海萬國朝王
天縱神聰生知妙道建寺龍庭誦經瓊島
道士庸愚鴟張老聖眩彼魚目掩此金鏡
聖明懸鑑特出狂談一言遂北萬古司南
佛日高懸法雲廣布九有回光四生蒙福
保龍圖而鞏固統金輪而永曜調玉燭而長存
邵鴻名於帝錄卷七煥大寶於蒼旻
播皇威於戎夏等真固於乾坤躋黎元於壽域
敦王道之坦坦宜子孫之仁仁聖皇延於萬載
四三皇而六五帝曾何唐漢之足云

後記

余昔見唐人譏道士云出言猥穢誑妄不真使人奉者不仁不孝家生梟鏡之兒無禮無親世出豹狼之子又見新落髮道士罵長春宮家云教門無事汝等受榮教門有害使俺

受辱尊稱掌教披秉藍袍日無素食月有佳宴粉白黛黑滿目歡呼蠚首蛾眉終宵私樂賄他上分之饌受他罄折之恭昧天謾心今日自感乍聆此語以爲不然今此觀之未爲過也老子生於厲陽之鄉終於槐里之地此

本墳隴棄而不修恣荆棘之荒涼任狐兔之蹂踐年終臘節孰聞道士之蒸嘗獻歲秋成弗覩女冠之杓祀行人爲之隕涕見者爲之哀矜而漫說化胡之妖言流落他邦而不返王浮發平餘竅志經又揭臭風使老子重玄

之妙門到此掃地而蕩盡且今八十一化其中五十餘化偷佛教顰二十餘化道聽塗說唯有一化言老子授尹喜道德真訣全將合氣運精而爲立功不以清淨爲心專以交遘爲道以斯祈福福云何生以斯禳災災云何

殄祥邁仰荷宸恩忝充釋子剗心守道閉戶閑居待殘喘於桑榆無求辯於邪正憤志常之軒佼嘉少林之甄明蕩化胡之穢談返遏占之寺宇光輝釋範匡弼真乘功蓋補天業隆立極雖摩騰見美於漢朝法上溢名於齊

代法上比齊大統與道士爭論士落髮以今核古曾何足云

哉加以主上明聖洞曉佛心知玉石之不同審薰蕕之異氣佛是聖中之大聖老是賢中之大賢旣天壤之懸殊亦珠礫而異價由是特回天睞目察實虛僂彼濁風朗茲慧日祥

邁預斯嘉會慶躍心靈希前代之清塵仰先哲之洪範輒憑古典斥破今圖拔妄說之根株折志經之誑辯本顛末墜瓦解冰消豈唯千載之楷模亦顯一時之奇事靡敢蓬於龍藏亦可續於弘明唱斯言而不慚冀英能而

卷七

+

知賞撫我華者難與言論云至元單闕之歲孟春絕筆道者山大雲峯禪寺灑掃比丘祥邁記

欽奉聖旨禁斷道藏僞經下項

見者便宜燒毀

化胡經

王浮撰

猶龍傳

太上寶錄

宋謝守灝撰

聖紀經

西昇經

出塞記

帝王師錄

三破論

齊人張融假託他姓

十異九迷論

吳傳玄卿李

欽道明證論

唐員半千假託他姓

邁預斯嘉會慶躍心靈希前代之清塵仰先

哲之洪範輒憑古典斥破今圖拔妄說之根

株折志經之誑辯本顛末墜瓦解冰消豈唯

千載之楷模亦顯一時之奇事靡敢蓬於龍

藏亦可續於弘明唱斯言而不慚冀英能而

輔正除邪論

吳筠

乾邪論

梁廣

辯仙論

梁廣

辟邪歸正議

杜光庭

謗道釋經

破大藏經素杜光庭撰

靈

三教根源圖

大金天長觀道士李大方述

五公問虛無經

赤書經

上清經

赤書度命經

十三虛無經

藏天隱月經

南斗經

玉緯經

九天經

道先生三清經

歷代帝王崇道記

歷代應現圖

歷代帝王崇道記

青陽宮記

靈寶二十四生經

歷代應現圖

藏天隱月經

紀勝賦

玄元內傳

赤書度命經

高上老子內傳

樓觀先生內傳

藏天隱月經

混元皇帝實錄

道佛先後論

赤書度命經

長生天氣力稟大福蔭護助裏皇帝聖旨道與中書省樞密院御史臺隨路宣慰司按察

司達魯花赤管民官管軍站人匠等官并衆先生每在前蒙哥皇帝聖旨裏戊午年和尚七箇先生剃頭做了和尚更將先生每說謊做來的化胡等經并印板都燒毀了者隨路

觀院裏畫著底石碑上鐫著底八十一化圖盡行燒毀壞了者麼道來如今都功德使司奏隨路先生每將合毀底經文并印板至今藏著却不曾毀了更保定真定太原平陽河中府王祖師庵頭關西等處有道藏經板這般奏的上頭教張平章張右丞焦尚書泉總統忽都于思翰林院衆學士中書省客省使都中書省宣使苦速丁淵僧錄真藏僧判衆講主長老等張天師祁真人李真人杜真人衆先生每一同於長春宮內分揀去來如今

張平章等衆人每迴奏這先生家藏經除道德經是老君真實經旨其餘皆後人造作演說多有詆毀釋教偷竊佛語更有收入陰陽醫藥諸子等書往往改易名號傳注訛舛失其本真僞造符咒妄言佩之令人商賈倍利夫妻和合有如鴛鴦子嗣蕃息男壽女貞誑感萬民非止一端意欲貪圖財利誘說妻女至有教人非妾佩符在臂男爲君相女爲后妃入水不溺入火不焚刀劍不能傷害等及令張天師祁真人李真人杜真人試之於火

於七皆求哀請命自稱僞妾不敢試驗今議得除老子道德經外隨路但有道藏說謊經文并印板盡宜焚去又據祁真人李真人杜真人等奏告據道藏經內除老子道德經外俱係後人捏合不實文字情願盡行燒毀了俺也

乾淨准奏今後先生每依著老子道德經裏

行者如有愛佛經底做和尚去者若不爲僧

道娶妻爲民者除道德經外說謊做來底道

藏經文并印板盡行燒毀了者今差諸路釋

教泉總統中書省客省使都魯前去聖旨到

卷之三

日不問是何官吏先生道姑秀才軍民人匠

鷹房打捕諸色人等應有收藏道家一切經

文本處達魯花赤管民官添氣力用心拘刷

見數分付與差去官眼同焚毀更觀院裏畫

著底石碑上鐫著底八十一化圖盡行除毀

了者自宣諭已後如有隨處隱匿道家一切

說謊捏合毀謗釋教偷竊佛言窺圖財利誘

說妻女如此誑惑百姓符呪文字及道家大

小諸般經文若所在官司不添氣力拘刷與

隱藏之人一體要罪過者外民間諸子醫藥

等文書自有板本不在禁限准此

至元十八年十月二十日

長生天氣力裏皇帝聖旨宣撫司每根底城

子裏村子裏達魯花赤根底官人每根底張

真人爲頭兒先生每根底宣諭的聖旨馬兒

年和尚先生每持論經文問倒先生每的上

頭十七箇先生每根底教做了和尚也已前

屬和尚每底先生每占了的四百八十二處

寺院內二百三十七處寺院并田地水土產

業和尚根底回與也麼道張真人爲頭兒先

生每退狀文字與了來又先生每說謊做來

的化胡經等文字印板教燒了者石碑上有

底不揀甚麼上頭寫著底文字有呵盡都毀

壞了者麼道來又已前先生每三教裏釋迦

牟尼佛的聖像當中間裏塑著有老君孔夫

子的相貌左右兩邊塑著有來如今先生每
把已前體例撇了釋迦牟尼佛的聖像下頭
塑者有麼道這般說有依著已前三教體例
裏做者釋迦牟尼佛的聖像下頭塑有呵改
正了者麼道斷了來如今少林長老爲頭兒
和尚每奏告教回與來的寺院內一半不曾

回與了的却再爭有又說謊做來的化胡經
等文字印板一半不曾燒了有三教也不依
著已前體例裏做有麼道這言語是實那是
虛真箇這的每言語一般呵一般斷了者別
了呵怎生行的依著已前斷了的內不曾回
與來的寺院有呵但屬寺家的田地水土產
業回與了者說謊做來的化胡經文書印板
不曾毀壞了的有呵毀壞了者三教也依著
已前體例裏做者俺每的這聖旨這宣諭了

呵已前斷了的言語別了呵寺院的田地不
回與呵爭底人有呵斷按打奚罪過者又這
和尚每有聖旨麼道已前斷了的已外不屬
自己的寺院田地水土爭呵不怕罪過那甚
麼聖旨俺每底鷄兒年六月二十八日開平
府有的時分寫來

長生天底氣力裏蒙哥皇帝福廕裏薛禪皇
帝潛龍時令旨道與漢兒州城達魯花赤管
民官僧官僧衆道官道衆人等據少林長老
告稱蒙哥皇帝聖旨裏委付布只兒爲頭斷
事官斷定隨路合退先生住寺院地面三十
卷七
七處却有李真人差人詐傳蒙哥皇帝聖旨
十五
一面奪要了來這言語問得承伏了是李真
人差人詐傳的上頭如今只依先前的聖旨
委付布只兒爲頭斷事官元斷定三十七處

地面教分付與少林長老去也准此

至元戊午年七月十一日開平府行

辯偽錄卷第三

音釋

鑪	從	切	娘	姹	不代	鯨	鯢	鯨	渠	京	切	鯢	研	今
韞	从	切	烏	女	涉	明	切	他	典	快	快	他	典	快
拜	才	切	僕	媒	罪	水	駕	也	慘	慘	慘	也	慘	也
切	龍	用	古	灣	切	銀	切	懶	懈	懈	懈	懈	懈	懈
韋	都	切	切	嬪	蝶	也	也	詭	詭	詭	詭	詭	詭	詭
囊	切	侍	後	私	列	鉢	鉢	詭	詭	詭	詭	詭	詭	詭
所以	與	爐	同	言	也	幹	幹	詭	詭	詭	詭	詭	詭	詭
吹	火	同	韞	衍	也	葉	葉	詭	詭	詭	詭	詭	詭	詭
也	步	言	銳	銳	也	也	也	詭	詭	詭	詭	詭	詭	詭
氣	侵	自	絹	顰	也	也	也	詭	詭	詭	詭	詭	詭	詭
漫	切	矜	切	顰	郎	也	也	詭	詭	詭	詭	詭	詭	詭
咨	漫	敷	也	誇	也	也	也	詭	詭	詭	詭	詭	詭	詭
文	切	誇	也	娘	也	也	也	詭	詭	詭	詭	詭	詭	詭
衡	切	問	也	扈	也	也	也	詭	詭	詭	詭	詭	詭	詭

林切氣極
受陽也
單閑
單閑
大歲在卯口
單閑
切
蟲蠻
重也
蟲蠻
廣而方也
首
贍